

欽定八旗通志卷一百四十

人物志二十

大臣傳六

滿洲鑲黃旗六

蘇勒達

馬斯喀

丹

馬齊

巴錫

音德

莽鵠立

傅爾

蘇勒達

蘇勒達滿洲鑲黃旗人姓瓜勒佳原內大臣巴哈

第二子也初任侍衛康熙二十一年授護軍叅領

兼佐領明年擢鑲黃旗蒙古副都統尋調滿洲副

都統累遷護軍統領前鋒統領二十六年擢鎮黃
旗蒙古都統二十八年

命爲領侍衛內大臣會噶爾丹與喀爾喀構釁侵掠邊境
二十九年六月蘇勒達奉

命率將校往科爾沁調兵統駐要地時科爾沁親王班第
駐圖斯噶爾圖山其兵赴調者僅半喀喇沁阿巴
噶奈曼土默特諸部兵亦未至蘇勒達疏

聞隨移檄諸部速飭軍伍進發會噶爾丹已深入烏珠穆

沁

上命裕親王福全爲撫遠大將軍出古北口恭親王常寧
爲安北大將軍出喜峯口

詔蘇勒達俟蒙古諸部軍畢集協力會剿七月蘇勒達同
土謝圖親王沙津等率兵赴巴林八月會大軍合
擊大敗噶爾丹于烏闌布通噶爾丹遣使同濟農
胡土克圖至裕親王營設誓歸誠裕親王信之
蘇勒達所統諸路兵勿擊蘇勒達知噶爾丹將遁

欲羈縻之遣使給噶爾丹與語噶爾丹不應棄調
越營遁去十一月師旋王大臣議裕親王等調度
乖方賊敗不卽追剿乃檄止蘇勒達進兵致窮寇
逃遁應革爵蘇勒達亦應罰俸一年得

旨噶爾丹奔竄時若蘇勒達等率兵邀擊可以就擒乃領
兵王大臣反阻使勿進蘇勒達等亦遂聽從不復追剿
俱應依議治罪但已擊敗額魯特兵噶爾丹遠遁諸王
大臣概從寬免革于是蘇勒達亦免罰俸三十四年五

月噶爾丹復犯邊

上欲發兵進剿先檄

盛京諸處兵設伏圖拉左近伺之

命蘇勒達與領侍衛內大臣等詳議蘇勒達言我兵不必
卽趨圖拉當誘其深入一舉殄滅若彼逡巡不進
俟偵實再行議奏

上嘉納之三十五年三月

上統師親征由中路進以撫遠大將軍費揚古由西路會

勦五月

上駐蹕什巴爾台距敵營甚近而費揚古軍甫至圖拉奏
緩師期

上以我軍旣逼敵境不必俟費揚古當卽前行令王大臣
等集議蘇勒達與內大臣馬斯喀等議卽進勦與
上意合會噶爾丹潛遁

上密諭費揚古絕其歸路敗之於特塔爾濟口俘斬無算
噶爾丹僅引數騎遠竄乃

命班師是年九月蘇勒達復扈

駕出居庸關巡行塞北經理軍務

賜內廐馬十一月還京二十六年卒

賜祭葬如例諡恪僖

馬斯喀

弟馬武

馬斯喀滿洲鑲黃旗人姓富察米思翰長子也初

任侍衛兼佐領

聖祖仁皇帝康熙二十七年由護軍叅領授武備院卿明

年遷鑲黃旗滿洲副都統尋兼內務府總管三十

四年擢領侍衛內大臣三十五年正月

命兼管火器營事二月

上親統大軍由中路征噶爾丹馬斯喀領鑲黃旗烏鎗兵

以從先期奉

命同內大臣等議定出征營陣隊伍序次三月

駕駐郭和蘇台

命閭留牧馬匹還奏留牧馬匹數逾二千僅有阿巴噶蒙

古總管派八十人守視應於蘇尼特諸蒙古增派
六十人名以其長官董率分馬羣爲七以二十人
管一羣擇水草佳處牧放悉令阿巴噶總管奇塔
特稽察遇盜馬者羈候治罪

上允其奏四月、

駕駐什巴爾台距克魯倫河已近而西路軍尙未至圖拉
諭王大臣集議機宜信郡王鄂扎等請駐師稍待馬斯喀
同內大臣蘇勒達明珠等議奏曰西路軍爲雨所

金史卷一百一十一
三
滯未克過行無庸待之宜卽進薄敵營

上從馬斯喀等議五月師至克魯倫河噶爾丹望見

御營大驚奔竄

上親統師追至拖諾山

命馬斯喀爲平北大將軍率兵進剿至巴顏烏蘭噶爾丹

先已遇西路軍於特將勒濟轉戰至昭莫多大敗

竄遁其屬下丹巴哈什哈等率百餘人赴巴顏烏

蘭乞降馬斯喀迎會西路軍收集降人千餘奉

詔遣官衛送至張家口外乃班師任事如舊列議政大臣

九月扈

駕出邊經理軍務十一月

命率兵駐大同二十六年正月授昭武將軍移師赴寧夏

閏三月

勅叅贊撫遠大將軍費揚古軍務先是伊拉古克三胡土

克圖自內地盜馬逃歸噶爾丹至是噶爾丹死率

三百餘人奔投策妄阿喇布坦四月費揚古令馬

斯喀以降人導引率兵追之馬斯喀行越月至摩
該圖知伊拉古克三胡土克圖遠去已數日不能
追及引兵還

上遣侍郎常綬等齎

勅往諭策妄阿喇布坦得伊拉古克三胡土克圖及其弟
蒙額里以歸磔誅之議政大臣等以馬斯喀追剿
遲緩論革任得

旨馬斯喀辦內務府事尙優從寬留內務府總管及佐領

四十一年授鑲白旗蒙古都統四十二年六月立
賜銀千兩

遣內大臣一員侍衛十員奠茶酒並

命皇子於發引時往送

賜祭葬如典禮謚襄貞弟馬武亦由侍衛兼管佐領康熙
二十七年以一等侍衛同學士開音布奉

命閱視中河先是河道總督靳輔議開中河匯駱馬湖之
水以通漕漕運總督慕天顏謂中河雖開不久卽

淤徒費無益至是工竣馬武同開音布往閱還奏
商賈由中河行舟利達無阻惟漕艘載重必盡塞
支河之口使駱馬湖水悉匯中河始得遊行乃漕
督慕天顏禁止堵塞支河口勒令已進中河之漕
船退回有意阻撓得

旨下法司逮勘天顏疏職論罪事詳天顏傳三十五年

上親征噶爾丹奉

命同侍郎阿爾拜閱視獨石口外隨征綠旗兵赴

御營復

命卽從征五月凱旋十月從

上駐蹕歸化城

命以牛羊迎犒凱旋右衛兵還奏兵丁步行者多食用未

裕

詔兵部按籍賞銀每兵三兩四十三年十月擢鑲白旗漢

軍副都統四十八年正月因兄大學士馬齊與內

大臣阿靈阿等議奏改立皇太子事獲罪馬武亦

襚職五十年起爲內務府總管六十年擢鑲白旗
蒙古都統明年

世宗憲皇帝御極授領侍衛內大臣雍正四年十月

冊封怡親王以大學士馬齊爲正使馬武副之

特旨俱加一級十二月疾

遣太醫診視

諭曰馬武事我

皇考五十餘年不離左右恪恭謹慎當盛暑嚴寒無幾微

倦怠之色其生平胸懷坦白情性和平朕追念

皇考凡昔年侍從之人皆加恩眷况馬武年齒最高効力最久

聖眷最渥之人朕聞其病重屢降旨往視諸大臣合詞勸止遣親王皇子前往代朕看視朕尙望其痊可倘至不起著照伯爵賜與卹典賞銀一千兩並給與世職以示朕優眷老臣之至意尋卒

賜祭葬如典禮諡勤恪予三等輕車都尉世職以其子薩